



913561
3604
1

欽定新疆識略序
西陲僻處要荒三
代以前阻於聲教
漢唐而後史乘傳

記聞及其疆圉風
俗然皆以羈縻為
事未有隸入版圖
者洪惟我

皇祖高宗純皇帝
化覃九有功歲十

全一再平定準噶
爾繼復平定回部

而竄徙異域之土
爾扈特旋亦向關
輸誠歸命恐後於
是二萬餘里之新

疆自古頑梗弗率
者莫不在我戶闥
列諸編氓禕矣盛
矣誠開闢以來所

未有也我

皇考仁宗睿皇帝

覲揚先烈累洽重

熙

臨御二十五年無
日不以紹闡

前猷綏靖邊黎為
念蓋西土之惟時

恬冒者六十餘年
於茲而親賢樂利
戶口繁登視昔倍
臻阜庶焉顧其幅

負之廣經理之宜
初未勒有成書昭
示來許因
面命松筠司其事

蓋以其任伊犁將
軍有年於彼中情
事知之有素故也
茲松筠纂輯告成

繕本呈進朕披覽
全帙卷首恭載
皇祖聖藻以下
卷十二有圖有表

有叙論雖於古蹟
土俗物產略而弗
書而河山之襟帶
城郭之控制兵食

財賦之儲備田野
畜牧之繁滋條分
件系顛末詳臚成
憲舊章粗已賅具

爰為命名曰新疆
識略俾付剞劂用
資攷證庶幾後之
續事修輯者得有

所藉手矣書不云
乎柔遠能邇安勸
小大庶邦朕以涼
德寅紹丕基撫疆

索之洪恢念既章
之孔厚上承
祖考燕貽之遠俯
惕羣生撫字之艱